



Broj: 05/7-39-1-158-71/21

Sarajevo, 25. 5. 2021.

Z A P I S N I K

71. sjednice Vijeća nacionalnih manjina BiH, održane 21. 5. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Tihomir Knežiček, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Hakan Varan, Eva Pašić-Juhas, Mladen Radmilović, Halil Bicaj, Tijana Vučurević, Dejan Piotrovski, Vjeročka Gajić, Davor Ebner, Marija Grbić i Nedžad Jusić.

Opravdano je odsustvovao Jakob Finci.

Sjednici su, također, prisustvovali: Enver Bogučanin iz Sektora za odnose s javnošću Sekretarijata Parlamentarne skupštine BiH i Aida Kreho, sekretarka Zajedničke komisije za ljudska prava.

Sjednica je imala sljedeći

D N E V N I R E D

1. Usvajanje Zapisnika 70. sjednice Vijeća nacionalnih manjina BiH;
2. Informacija: Hronološki pregled aktivnosti i status provođenja presude u predmetu *Sejdić i Finci protiv Bosne i Hercegovine*, podnosilac: Dervo Sejdić;
3. Informacija o početku realizacije Programa "ROMACTED II" 2021-2024. u Bosni i Hercegovini, podnosilac: Nedžad Jusić;
4. Izvještaj s trećeg sastanka Koordinacionog odbora za nacionalne manjine, izvjestilac: Velibor Kuvač;

5. Razmatranje odgovora dostavljenog od Općine Ilidža u vezi s uklanjanjem romskog naselja;
6. Tekuća pitanja:
 - a) Razmatranje prijedloga dopisa za nadležne organe vlasti u vezi sa osiguravanjem finansiranja udruženja nacionalnih manjina,
 - b) Informacija o statusu zahtjeva za informacijom upućenom Odboru za Rome u vezi sa izlaznošću Roma na lokalne izbore,
 - c) Razmatranje tehničke opremljenosti Vijeća nacionalnih manjina BiH,
 - d) Ostalo.

Na prijedlog dnevnog reda nije bilo primjedbi, osim ispravke da će izvjestilac po tački 4. dnevnog reda biti Dragan Marković, a ne Velibor Kuvač.

Ad. 1. Usvajanje Zapisnika 70. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik jednoglasno usvojen.

Ad. 2. Informacija: Hronološki pregled aktivnosti i status provođenja presude u predmetu *Sejdić i Finci protiv Bosne i Hercegovine*, podnosilac: Dervo Sejdić

Dervo Sejdić dostavio je prezentaciju u kojoj su sadržane odredbe ustava BiH i entiteta BiH, kao i Izbornog zakona BiH koji bi trebali biti promijenjeni s ciljem otklanjanja diskriminacije iz ovih akata i provođenja presuda Evropskog suda za ljudska prava. U usmenoj prezentaciji naznačeni su i dosadašnji pokušaji promjene navedenih akata, osnovni izazovi i problemi u provođenju presude, te neki od potencijalnih rješenja.

Također, podnosilac Informacije najavio je svoje skoro dostavljanje prijedloga izmjena i dopuna Izbornog zakona BiH Interresornoj radnoj grupi, formiranoj s ciljem izrade prijedloga izmjena i dopuna Izbornog zakona BiH, a prethodno i Vijeću, te izrazio nadu da će za svoje prijedloge dobiti podršku Vijeća nacionalnih manjina BiH.

Članovi Vijeća jednoglasno su prihvatili prijedlog i primili Informaciju k znanju.

Ad. 3. Informacija o početku realizacije Programa "ROMACTED II" 2021-2024. u Bosni i Hercegovini, podnosilac: Nedžad Jusić

Predsjedavajući je dao riječ Nedžadu Jusiću, kao kontakt-osobi ('ključnoj tački') za realizaciju projekta. U svom izlaganju naglasio je, između ostalog, da je **Romacted II.** nastavak

prethodnog projekta u vezi s poboljšanjem saradnje romskih zajednica i lokalnih nivoa vlasti, te da se projekat provodi u 60 općina/gradova zemalja Zapadnog Balkana i Turske, od čega u 12 općina/gradova u Bosni i Hercegovini (između ostalog: Tuzla, Vukosavlje, Kakanj, Visoko, Gradiška, Bijeljina, Brčko, potencijalno Doboj i Kalesija itd), kao i da je vrijednost projekta oko 135.000 eura.

Informacija je jednoglasno primljena k znanju.

Ad. 4. Izvještaj s trećeg sastanka Koordinacionog odbora za nacionalne manjine, izvjestilac: Dragan Marković

Predsjedavajući je dao riječ Draganu Markoviću koji je ukratko prezentirao dešavanja na trećem sastanku Koordinacionog odbora za nacionalne manjine.

Informacija je jednoglasno primljena k znanju, te je zaključeno da se Zapisnik trećeg sastanka Koordinacionog odbora za nacionalne manjine dostavi svim članovima Vijeća.

Ad. 5. Razmatranje odgovora dostavljenog od Općine Ilidža u vezi s uklanjanjem romskog naselja

Odgovor dostavljen od Općine Ilidža u vezi s uklanjanjem romskog naselja jednoglasno je prihvaćen.

Ad. 6. Tekuća pitanja:

a) Razmatranje prijedloga dopisa za nadležne organe vlasti u vezi sa osiguravanjem finansiranja udruženja nacionalnih manjina

Prijedlog dopisa jednoglasno je prihvaćen, kao i prijedlog da svi članovi dostave adrese nadležnih organa kojima treba dostaviti dopis.

b) Informacija o statusu zahtjeva za informacijom upućenom Odboru za Rome u vezi sa izlaznošću Roma na lokalne izbore

Nedžad Jusić upoznao je članove Vijeća da je u toku imenovanje novog saziva Odbora za Rome, te da će se po okončanju tog procesa i početka rada razmatrati i dopis Vijeća nacionalnih manjina BiH.

c) Razmatranje tehničke opremljenosti Vijeća nacionalnih manjina BiH

Jovanka Manžalović-Šalaka predložila je da se razmotri mogućnost tehničkog opremanja Vijeća laptopima, posebno imajući u vidu sve češću potrebu održavanja online sastanaka i sjednica, u svjetlu pandemije COVID-19. Prijedlog je jednoglasno prihvaćen.

d) Ostalo

Predsjedavajući Vijeća obavijestio je članove da će naredna sjednica biti održana u srijedu, 9. 6. 2021, u 17 sati.

Sjednica je završena u 18 sati.

**Sekretarka Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**